

Ny Baiboly ho an'ny ankizy
dia manolotra

Ny
nampitsaharan'i
Jesoa ny
tafio-drivotra



Nosoratan'i: Edward Hughes
Sarin'i: Janie Forest
Nampifanarahin'i: Ruth Klassen
Alastair Paterson


Nadikan'i: Fikambanana "Ndao mba hiaraka aminay" na
association "Allons ensemble" FJKM Nazareta Amborovy
Mahajanga Madagascar

Novokarin'i: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2022 Bible for Children, Inc.
Azo atao ny fandikana na fakana ity tantara ity
nefa tsy ho amin'ny fitadiavam-bola.






Raha mbola tao anaty sambokely i Jesoa sy ny mpianany dia indro nisy tafio-drivotra nitsoka mafy tampoka. Nanonja be noho izany ny ranomasin'i Galilia. Mety hiteraka fahadoboana sy fahafatesana anaty rano mihintsy ny tafio-drivotra tahak'izany.



Natahotra noho izany ny mpianatra. Efa nihoatra ny sambokely ny hahavon'ny onja, ka efa saika difotry ny rano mihitsy ilay sambokely. Fa Jesoa natory ka tsy naheno n'inona na inona. Natahotra ireo mpianatra




ary namoha
azy ka
nanao hoe:
Tompoko,
Tompoko,
vonjeo fa
maty
izahay!



"Fa maninona no matahotra ianareo ry olona kely finoana?" hoy Jesoa tamin'ny mpianany. Dia nitsangana Izy, ka noteneniny mafy ny rivotra sy ny ranomasina mba hangina ...




DIA TONGA TONY NY RIVOTRA ... SADY
NILAMINA NY RANOMASINA. Talanjona ny
mpianatra nahita izany ka nanao hoe: "Lehilahy iza
loatra re Ity e? Fa na ny rivotra sy ny ranomasina
aza manaiiky Azy."




Tao aoriana kelin'io, nisy olona 5000 teo ho eo nanaraka an'i Jesoa tany amin'ny tany maina iray. Noho ny herin'Andriamanitra dia afaka nanome sakafo ireo olona marobe ireo Jesoa, tamin'ny alalan'ny mofon'ny zazalahy kely iray. Rehefa hariva ny andro dia nalefan'I Jesoa nody ny olona.



Na ireo mpianatra koa aza dia tsy maintsy
nandao azy. Nasain'i Jesoa niondrana mialoha
an-tsambokely izy ireo, ary hiandry azy ery ampita.





Rehefa
lasa izy rehetra
dia namonjy
toerana teny
an-tendrombohitra
Jesoa mba
hivavaka. Tsy
nisy olona afa-tsy
izy irery teo
amin'ilay
toerana.





Teny ambony rano, tratran'ny tafio-drivotra indray ny ambokelin'ireo mpianatra.

Tsy nety tafampita mihintsy izy ireo na dia efa ela aza no niainga. Tsy fantatry ny mpianatra, fa hisy fahagagana lehibe miandry azy ireo.





Teo anelanelan'ny
tamin'ny telo sy
enina ora maraina teo
ho eo, tao anatin'ny
rivotra be, nahita
zavatra nanatona azy
ireo moramora ka
nampitahotra azy
ireto mpianatra.
"Matoatoa io" hoy
izy ireo nihiaka.
Hay Jesoa, ilay tamy
nanatona azy ireo,
NANDEHA
TAMBONY RANO.



Hoy Jesoa taminy:
"Aza matahotra,
Izaho ihany ity!"
Namaly azy Petera ka
nanao hoe: "Tompoko,
raha ianao marina
tokoa io, asaivo
manantona anao eny
ambony rano aho",
"Avia manatona" hoy
Jesoa. Dia nivoaka
ny sambokely i
Petera ka tsy
nisalasalana nanatona
an'I Jesoa.





Saingy vao
hitany fa
nihamafy ny
rivotra, dia
raiki-tahotra
indrindra izy
ary nanomboka
nilentika.
Nikikiaka
mafy izy hoe:
"Tompo,
vonjeo aho".



Natolon'i Jesoa azy ny tanany, ary noraisiny izy ka hoy Izy taminy "Ry lehilahy kely finoana, nahoana no be fanahiana ianao?" Dia niondrana tao an-tsambokely izy ireo ary niaraka tamin'izay dia nitsahatra ny rivotra.



Nankalaza an'i Jesoa
avokoa izy rehetra tao
anaty sambokely noho
izany ary niteny hoe:
"Zanak'Andriamanitra
marina tokoa ianao".




Ny nampitsaharan'i Jesoa ny tafio-drivotra
Tantaran'ny Tenin'Andriamanitra, ny Baiboly,
Tao amin'ny bokin'ny

Matio 8 sy 14; Marka 4; Lioka 8


"Ny fanambaràn'ny teninao dia manazava."
Salamo 119:130





Tapitra

48



60



Ny tantara ao amin'ny Baiboly dia miresaka amintsika ny amin'Ilay Andriamanitsika mahafinaritra, Izay namorona antsika ary maniry ny hahafantarantsika Azy.

Fantatr'Andriamanitra fa manao zava-dratsy foana isika, izany no antsoiny hoe "fahotana". Fahafatesana no sazy ho antsika noho ny otantsika, saingy tian'Andriamanitra tokoa isika ka nomeny Jesosy Zanany ho faty teo amin'ny hazo fijaliana, mba ho voasazy noho ny helontsika. Avy eo nitsangana tamin'ny maty Jesosy, ary niakatra any an-danitra! Raha mino an'i Jesosy ianao, ary mangataka Aminy mba hamelàny ny helokao, dia havelany tokoa izany! Honina ao aminao Izy, ary ianao honina miaraka Aminy mandrakizay.

Raha te-hibebaka hiala amin'ny fahotanao ianao,
dia izao no afaka lazainao amin'Andriamanitra:

Ry Andriamanitra ô, mino aho fa maty ho ahy Jesosy, ary velona Izy ankehitriny. Miangavy Anao aho, Tompo ô, midira ao amin'ny fiainako, ary mamelà ny heloko, mba hahazoako fiainan-baovao, ary ho avy ny andro handehanako eny Aminao ho mandrakizay. Ampio aho ho velona ao aminao, tahaka ny Zanakao. Amena.

Vakio ny Baiboly ary miresaha amin'Andriamanitra isan'andro!
Jaona 3.16

